

4
HIERONYMI HENRICI
ROMANI.

S. TH. ET I. V. DOCTORIS

ET

IN ALMAE VRBIS GYMNASIO
LEGVM PVBLICI PROFESSORIS

ORATIO

HABITA ROMAEXIV. KAL. MART.
IN TEMPLO S. SABINAE.

DVM

A SVMMO PONT. ET AMPLISS. CARDI-
nalibus, In prima Die Cinerum sacrum haberetur.

AD SANCTISS. D. N.

CLEMENTEM VIII.



ROMAE, Apud Gulielmum Facciottum. MDC.

PHILIPPO M. HENRIET

NO. 100

2. THE E. L. M. DOCTOR

IN ALMA V. B. G. M. A. S. I. O.
E. L. M. DOCTOR

O. R. A. T. I. O.


IN ALMA V. B. G. M. A. S. I. O.
E. L. M. DOCTOR

A. S. I. O. DOCTOR. E. L. M. DOCTOR.
E. L. M. DOCTOR

C. L. E. M. E. N. T. I. A. V. I. L. I.
E. L. M. DOCTOR



SANCTISSIMO D. N.
CLEMENTI VIII.
PONT. OPT. MAX.



*VM in illo Beatissime Pater
Sanctitatis tuae, amplissimo-
rumq; Cardinalium ad sacra
peragenda in Sancta Sabina
templo, veteri Pontificum mo-
re, confesso, orationis, atque
Euangelica interpretationis mu-
nus obijssim, & si nullo meo
merito, non tamen ingratam multis (et quod potissi-
mum mihi semper fuit) humanioribus à Sanctitate tua
auribus illà haustam animaduerti. Quapropter cum ple-
riq; eius exemplaria à me efflagitent, ipsis commendare
cogor. Sed ut illa qua cepta, & nata est, eadem quo-
que felicitate adulescat: tuo sub sanctissimo nomine
concepta, nata atq; adulta in hominum lucem, conspe-
ctumque se profert. Clementi Clemens Pont. Max.*

exiguum munus, floresq; istos, animo, ex meis bonarum artium hortulis humiliter rogo, accipias: breui, amico Pietatis tue cælo confotos, uberiores fructus Deo adiuuante recepturus. Interim Deum Omnipotentem precor, ut Sanctitatem tuam ad Christiana Reipublica decus, & gloriam quàm diutissimè seruet incolumem. Datum Romæ VIII. Kal. Apr.
M. DC.

Sanctitalis tue

Humillimus seruus

Hieronimus Henricus.





VO maiores in his cinerum diebus à cunctis, qui Christi fidem per vniuersum terrarum Orbem colunt, Beatissimè Pater, ad expianda scelera, indulgentiam implorandam, preces enixè immortalì Deo effundendas conatus intenduntur: eò in hoc amplissimo cunctarum, exterarum maximè gentium conuentu, atq; conspectu vberiora, & Ieiunij, & Pœnitentiæ ope-

ra efficienda maiori orationis ardore iure optimo prædicamus. Cū ieiunatis apud Matthæum nobis præcepit Dominus nolite fieri sicut hypocritæ tristes, exterminant enim facies suas, vt appareant hominibus ieiunantes. Qua verborum structura, & quo orationis genere, Quis Card. Ampliss. nostrum est, qui opus istud doloris insigne, ob quem ieiunamus, libidinum illecebras opprimimus, pectus contundimus ita Saluatorem nostrum exoptare nō videat; vt ex eo non inanem hominum auram, non vt ab hominibus ex tanto opere iustam recipiamus mercedem, sed vt ab ipso vltra condignum liberalissimò præmiorum largitore cœlestia munera certissimè consequamur? Et rectè meo quidem iudicio leges item humanæ sanxere, opus sua rectitudine non perfectum, imperfectū iudicari. Sicut ille non faciendo inobediens fuit, ita tu non ritè faciendo. Non ieiunare malum. Ieiunare vt hominibus ieiunantes videamur quales hypocritæ sunt, peius. Exterminare idest; vt Hieronymus interpretatur, faciem suam demoliri, vt per imposturas, atq; fucos nos hypocritæ homines decipiamus, Deum vero qui cordis intima, inuisos atq; abditos illius sensus, & intuetur, & respicit minimè fallentes exemplo peximum, nobisque exitiale esse concerno. Igitur cū iste orationis meæ sensus sit, & iste scopus, in hypocritas velut hominum genus Christianæ Reipublicæ insensum atq; exosum me inuehi oportet, & ita Sanctum Dei Euangelium interpretabor, vt quo ordine, aut qua via rectè futuris istis diebus exteræ gentes, quæ ad Iubilæum Romam copiosissimè confluxere, ieiunare non modo, sed & pœnitentiæ reliquas partes aggredi valeant, à Domino ediscant. In cuius rei amplissimum documentum illud quidem à sancto Ioanne Chrysostomo, ar-

mo, argumento aptissimum adfertur, nos quando non propter nosmetipsos, sed propter alios amamur, huiusmodi dilectionem arbitrarî iniuriâ: idem in virtutis ratione considerandum, ut eam non propter alios appetamus, neque propter hominem Deo, sed propter Deum potius hominibus obtemperemus. Alioquin si virtutem etiam videamur sequi, nihilominus similes non sequentibus Deum in iracundiam concitauimus. Isti proculdubio hypocritæ sunt, qui tamdiu clari non veræ virtutis splendore, quò contra in illuni nocte veritatis assecla per innumeras tenebras emicat, atque coruscat, apparent: sed quàm diù assistit adstantium multitudo. Imò nec tunc quidem coram omnibus clari sunt. Norunt enim videntium plurimi quos sese esse effingant: veruntamen theatro illo subito dissoluto, quales sint, manifestissimè omnibus reuelatur. Hoc igitur gloriæ cupidos pati prorsus necesse est, sub hac enim sola student latere persona: multò autem magis depræhendendi sunt in futuro, cum nuda omnia, atque perspicua apparuerint. Ad hypocrisim istam, istasque fallacias aliquando hominis natura trahit, spectatorum còròna allicit, rei euentus nos miseros sæpissimè decipit, atque inducit. Nam illa corporum contextura quæ ad actiones inexcogitatas celerrimè euehitur, atque rapitur, abruptos illos, atque longissimos animi an fractus perpeti minimè potest. Contrà, altera in profundissimis eius cogitationibus conssepulta alienas inquiri, atque obseruat, inque illas, velut in aduersum motus suos adaptat, atque contorquet. Tantus demùm, & blandientium, & adulatorum cœtus se se nobis offert, ut rarum inueniamus hominem flagitiorum non ex iracundiâ, exprobatorem, seu non falsum potius assentatorem. Mundus iste decipi vult. Magni etiam viri, & in magnis dignitatibus constituti, habent quàm sæpissimè Doctores prurientes auribus. In malitia sua Oseas testatur, lætificauerunt Regem, & mendacijs suis Principes. Plerumque laudator peccator in desiderijs animæ suæ, & iniquus benedicitur. Postremò rerum euentus is est, ut cum hominum corda nullus ex mortalibus agnoscat, per voces, vultusque quis rarò percipiat: exaltetur sæpissimè peccator, bonus vero sua innocentia, aut eius liberali agendi genere con-

re con-

re conculsetur. Hoc sibi hypocrita; vel vt bonus iudicetur, vel vt in dignitates irrepat, vel vt falsum doceat mente voluit, atque compendit. Ne inquit scandalizem multos, id facio. Quid ais? Diuina lex est ista præcipiens, & tu scandali mentionem facis? Custodiens præceptum Dei scandalizare te putas, transgrediens vero scandalis liberari? ò indignum hominum genus. Christus Iesus sua bonitate perfectus inter stultos connumerari voluit, ieiunaturus in desertum contendit, cum dares elemosinam cui fieri nequit, ne alter interueniat, præcepit nescire dexteram, quid læua faceret, Pater enim qui videt in abscondito reddet tibi. Et tu cum ieiunij negocium, quod solitarium est, peragis: ita ieiunans videri appetis, vt faciem tuam extermines. Et cum tua tu natura hilaris sis; tristis fieri ad inanem insectandam gloriam coneris. Sufficit enim tibi, vt qui est inspector conscientiarum, sit etiam, & remunerator. Hæc enim præmia tanto minus optanda, quanto ocyus nobis deceptis, prolabuntur, & corruunt. Memento homo inquit Ecclesia, quòd cinis es, & in cinerem reuerteris. Et reuerteris in cinerem quando nec tibi reuerrendum putas, nec reuersionis horam instare, nec Deum iustum vindicem de verbo otioso rationem quoque expetiturum. Et nihilominus & resolutionis nostræ dies instat, dicam aptius, non instat sed vrget, non vrget, sed perstringit, vt præcocia cinis plura adulescentium corpora, quàm serotina humo senum mors frangat, atque corrumpat. Non parvus est fructus humanam contemnere gloriam, velut qua via à graui hominum seruitute liberemur. Itaque omnis nostra intentio in interiora gaudia dirigenda est, ne foris quærentes mercedem huic sæculo conformemur, & amittamus promissionem tanto solidioris, quanto interioris beatitudinis, qua nos elegit Deus conformes fieri imagini filij sui. Quamobrem, & ieiunandum nobis est, & ieiunium ita peragendum, vt cuncta quæ in eo desiderari possint, compleamus. Primum eos nobis subtrahamus cibos, qui a rerum diuinarum contemplatione ob efferram, aut nimis pinguem eorum naturam mentem nostram eripiunt, atque seducunt. Alterum. Sic ieiunemus, vt quantò hypocrite inani gloriæ ieiunando ad propinquant; tantò nos
ab ea,

ab ea, non solum faciei rubore, verum conscientię nostrę integritate, & in Deum ardore ab illa extorres alienique efficiamur. Deo enim amore nobis inseruiendum est, non timore, ob quem ne in malā de nobis apud mortales existimationem incidamus, extimescendum sit. Demum vngere Christi Saluatoris pręcepto caput admonitos nos oportet. Id vult interius corde ob ieiunium gaudere. Ridiculū est in ieiunio oleo caput vngere, sed spiritu amoris eius, de cuius passionibus debemus participare nos macerando, mens debet inungi. Extremum. vitiorum depositione non sola ista ciborum paritate ieiunium implendum est. Nām cum ob hoc castigatio ista sumatur, vt carnalium desideriorum fomites subtrahantur, nullum magis sectandum est continentię genus, quā vt semper simus ab iniusta voluntate sobrij, & ab inhonesta actione ieiuni. Quę deuotio non secernit inualidos, quia etiam in languido corpore potest animę integritas reperiri. Hęc omnia Beatissime Pater, si tanto à nobis in isto dierum breui ad poenitentiam peragendum cursu ardore complebuntur: quanta à me, etsi exili dicendi genere, summa tamen veritate prolata, & à Sacerdotibus maiori rerum, verborumque apparatu in dicta sunt, & in posterum indicentur, post breue istius fragilis vitę spacium, ad immensum eterne illud diuina fauente clementia nos spero peruenturos.

F I N I S.

